

A D
D. NICOLAI SEL-
NECCERI ET THEO-
LOGORVM IENEN-
SIVM CALVM-

nias,

BREVIS ET NECESSA-
RIA THEODORI BEZÆ

Responsio.



GENEVÆ.
APVD I. CRISPINVM.
M. D. LXXI.



A D

R I

S I



tabuli

ti mih

bellis

Iener


tium

ui ab

me b

fun

tina



AD D. N. SELNECCÉ-

RI ET THEOLOGORVM IENEN-

SIVM CALVMNIAS BREVIS ET

necessaria Theodori Bezae re-

sponsio.



*Q*uod per se graue est
semper falsi crimen, tum ve-
rò lōgè grauiſſimum quum
de corruptis ſacri fœderis
tabulis agitur: quod ſcelus quū immeren-
ti mihi, & quidem ſcriptis accusationis li-
bellis, impingat Nicolaus Selneccerus &
Ienenses Theologi, cogit me res ipſa ſilen-
tium in quo iam annos aliquot perſeuera-
ui abrumpere. Neque id tamen facio, (ita
me bene Deus amet) vel ut frigidam ſuf-
fundam renaſcentibus incendiis, quæ v-
tinam vel meo ipſius ſanguine reſtingui

a. ij.

possent: vel ut iis succenturiem qui in causa iustissima patrocinio meo minimè indigent. verùm quòd eò me adigant istorum calumnie, ut aut mihi diluenda sit ista criminatio, aut prorsus deferenda veritatis defensio. Attingam igitur illa tantùm quæ ad me propriè spectant, & ita quidem ut conuitia & maledicta libens pretermittam quibus illi viuos & mortuos suo more conscindunt. Ignoscat hoc illis Dominus, faxitque ut sese ipsi, & nos melius norint.

Summa accusationis hæc est. Lucæ verba, Act. 3. 21. ὃν δὲ οὐ παρὸν δέχεσθαι, Latine sum interpretatus, Quem oportet cælo capi: quam interpretationem isti falsam & impiam esse vociferantur. De impietate postea viderimus. De falsitate priore loco respondebo.

De istis vocibus ὃν δὲ, Quem oportet, controuersia nulla est. Imò, quantum cæli nomine mei accusatores aliud intelligent quàm ego, tamè illi græco vocabulo nò inficiantur respondere cæli nomen. Sed & illud mihi videntur concedere, verbum δέχεσθαι

δέξασθαι rectè pro *δέχεσθαι* exponi, quum sic etiam vertat Lutherus. Duo igitur reprehendunt: unum, quòd *δέξασθαι* verterim Capiendi verbo: alterum, quòd passivè interpretatus quæ Lucas activè scripsit, pro Cælum accipere, scripserim, Cælocapi. Hoc autem utrunque quanti sit momenti, age sigillatim expendamus.

Dico ego, verbum *δέξασθαι* eo differre à *ἀναλαμβάνειν*, si propria utriusque verbi vis spectetur, quòd illud demum de iis dicatur quæ aliunde illata vel oblata quispiam recipiat. Hoc scio mihi concessuros quicunque Græcas literas vel à limine salutarunt, ut nulla hinc à me probatio merito requiratur, ac minimè dubium sit quin τὸ δέχεσθαι Græcis prorsus illud declaret, quod Hebræis קָבַץ, sicut verterunt interpretes Græci 1. Paral. 12, 18, & 2. Paral. 29, 21, & Esæ 8, 29. & alibi passim. Quid plur. a. Syrus ille interpres quo nullum neque vetustiorè neque certiorè nobis querendum arbitror hunc ipsum locum de quo agimus sic vertit, דָּלַק וְלֹא לְשִׁמּוֹת דְּרֻקְבָּלוֹן.

itaque respondet τὸ δέχεσθαι Latinover

bo Recipere quo usus est vetus Latinus non
sterius interpres, pro quo minus perspicuum est
verbum Accipere, verbo Hebræo ^{קָבַץ} &
Græco λαμβάνειν ex aduerso respondens,
qui tamen uti maluit Erasmus, quauis
Accipere etiam pro Recipere Latini usur-
pent, ut quum Accipere literas, & Hospi-
tem domo accipere dicunt.

At contra δέχεσθαι pro λαμβάνειν, Re-
cipere pro Accipere positum nusquam in-
uenio.

Sed quorsum hæc? Cedo enim, dicent
mei accusatores, cur non igitur vertisti
Cælum recipere? & quis nostrum (in-
quient) negat Christum à Patre hanc de
qua disceptamus gloriam recepisse? Au-
diant ergo quid respondeam, & quid illos
in meis annotationibus obseruare oport-
uerit priusquam translationē meam adeo
impotenter reprehenderent.

Age ponamus quod isti volunt, nempe
Accipere cælū idē valere atque Acci-
pere gloriā Patris, Quum tamē eo tēpo-
re quo Petrus hæc loquebatur, imò, si Bren-
tiani deliriis credimus, ab ipso Hypostati-

ca unionis momento iam in istud cælum
euectus esset Filius hominis, quis non vi-
det vel dicendum non fuisse deo oportet,
sed edo oportuit: vel pro Accipere ver-
tendum fuisse, Accepisse: Esset enim cer-
tè inepta hæc Petri oratio, Oportet vt
Christus accipiat Cælum, quum iam
illud accepisset: ista autem oratio fuisset ve-
ritati consentanea, Oportet vt Chri-
stus acceperit cælum. Et tamen nemo
est istorum qui aliter sit interpretatus, ne
Lutherus quidem ipse, quàm Quem o-
portet cælum accipere.

Deinde siue dicatur Christus accipere
cælum, vt isti volunt, siue dicatur cælum
accipere Christum, quum ista acceptio siue
receptio sit quiddam præteriens (aliud e-
nim est accipere aliquid quàm eo frui
quod acceperis) quis nō videt ineptissimè
coherere, quod subiicitur apud Lucam ἄ-
λλοις χρόνοις ἀποκαταστάσεως πάντων, vs-
que ad tempora restitutionis omnium? Nā
ita certè significaretur tum demum isti ac-
ceptioni locum fore quum restituta fuerint
omnia, ac proinde nondum sedere Christū

ad dextrā Patris, sed hoc adhuc agere ut
sedeat, ut tum demū dicatur accepisse ca-
lum, id est ad dextram Patris sedere, quā
restituta fuerint omnia.

Quòd si etiam conuertas *δέξασθαι* Ac-
cepisse vel Recepisse, absque ulla
videlicet temporis enallage, rursum illud
ἐκ quo significatur certa quæpiam me-
ta, minimè conueniet, nisi statuere veli-
mus Christum in suo illo altero aduentu
quem hic notari certum est, gloriam illam
suam depositurum, atqui potius tum de-
mum est venturus in plena maiestatis sua
gloria, sicut post ipsum Christum testatur
Apostolus, idè etiam plerunque alterum
eius aduentum illustri *ἐν τῇ αἰῶνι* nomine
declarans.

Nec obstat nobis illud, quòd particula
Donec vel *ἄχρι*, interdum ea quæ praece-
dunt non terminet, ut quum dicitur Io-
seph non cognouisse Mariam donec pepe-
risset, & Christus nobiscum futurus ad cō-
summationem usque seculi. Nam res i-
psa clamat de secundo aduentu loqui Pe-
trum, quo futurum dicit ut illa Christi car-

nis in calis commoratio non quidem finiat^{ur}, sed tamen interrumpatur, Christo videlicet tum demum è calis descensuro, sicuti Petrus unà cum condiscipulis ex ipsis Angelis intellexerat.

Ex his autem efficitur neque Accipiendi neque Recipiendi verbum huic loco satis convenire, siue Accipere aut Recipere siue Accepisse aut Recepisse conuertas: nec satis rectè D Lutherū (quod tanti viri pace dixerim) pro δέχεται scripsisse Einnemen id est λαμβάνειν, pro quo audio Germanos potius dicere Entpfangē.

Itaque utroque illo repudiato, usurpauimus Latinum Capiendi verbum, quod respondet verbo Hebræo חָבַד, & Gracis verbis ἑρπείν & δέχεται, pro continere siue comprehendere, diciturque de spatii siue loci mensura, ex more Hebræorum videlicet quibus est familiare ex antecedente intelligere consequens, quod tum hoc loco de quo nunc quarimus, tum alibi saepe in meis noui Testamenti annotationibus obseruauimus.

Quoniam enim quod certo spatio com-

prehenditur siue continetur, prius in idu-
cipi & admitti oportet, ideo Hebrai קח
חבב & חבב promiscuè usurpant: Græci vero
δέχεσθαι & χωρῆν, Latini Capere &
Continere, siue Certo loco & spatio
comprehendere. 2. Paralipomenon 4.
חבב חבב חבב חבב חבב חבב pro quo Gra-
cus interpres χωρῆσθαι ἑξῆς μεξῆρτας, Iose-
phus autem lib. 8. Antiq. cap. 2. ἐδέχθη
θάλασσα βάτοις ἑξαχίλις. Idem Iosephus,
etiā de nūmi aestimatione loquēs lib. An-
tiq. 3, ca. 9. ὁ ὅσον νόμισμα ἐβράβη
ἀπὸ πέντε δέχθη δραχμὰς τεσσαρες. Quia
etiam Græcus interpres 1er. 2, 13 ἔλαβεν
συνέχθη id est ad verbū, Cōtinere. pro
quo fortasse usitatus potuit τὸ κρατεῖν vel
τὸ κρατεῖν usurpare. Plato de leg. 12, ubi
de sepulchris extruendū agit, λιθναῖ ὅτι
σηματα μὴ μειῶσαι ποιεῖν ἢ ὅσα δέχεσθαι τὰ
τῶν τελευτηκόων ἐγκώμια, Id est Cicero
interprete, Nec è lapide excitari plus nec
imponi q̄ quod capiat laudē mortui incisā.
Idē Cicero, Illi eā gloriā cōsecuti quæ vix
celo capi posse videatur. Hesych. in κύα-
θῶ, δέχεται κύαθῶ ὕψους τινὸς ἑγγύα
δύο.

No. Plinius, capit congiuntum aqua.

Ex his omnibus hoc unum effectum volo, falsam non esse meam interpretationem verbi δέχεσθαι siue vis ipsa verbi, siue Hebraica, vel Græcæ, Latina denique lingua usus spectetur, ac etiam à me fuisse meritò mutatas aliorum interpretationes, nisi fortasse probarint isti vel nō rectè me pro actiuo passiuum usurpasse, vel, etiam si verba Græca interpretationem meam admittant, nasci tamen inde sententiam à Petri instituto, adeoque veritate ipsa dissidentem, de quo postremo dicam in altero defensionis meæ capite, quum videlicet de ipsa huius loci explicatione, siue δέχεσθαι differā. Dicamus ergo cur verterim, Quem oportet cælo capi, potius quàm ἀπολεξεί, Quem oportet cælum capere, ac primùm quidem accusatorum obiectiones diluamus. Aiunt Ienenses ubique verbum δέχεσθαι in nouo Testamēto actiue poni. Primùm si hoc negem, licebit vel eorum alterum Heliam, bonum scilicet illum Illyricum testem adhibere, qui, licet longè maximam partem ad verbum ex meo nouo testamento in suum translu-

lerit, maluit tamen admissum ab Erasmo,
 & à me emendatum errorē reponendo, 1.
 Pet. 3. 20. ἐξεδέχeto vertere Expectaba-
 tur quàm Expectabat. Sed de hoc alius
 erit dicendi locus quum omnia istius ἀνά-
 σοφ & plagia in indicem relata, & ad ea
 quæ in meis partim corruptit partim teme-
 rè reprehendit, defensionem edere vaca-
 bit. Concedo igitur meis accusatoribus
 quod volunt. Quid autem inde conseque-
 tur? Malè certè in D. Philippi schola isti
 discipuli profecerunt, qui tam ἀνέχους con-
 secutionibus vtuntur. Caterum ne hoc ex-
 agitem, quisquàmne est tam indoctus,
 vel vsque adeò impudens qui in hac for-
 mula ὁν δεῖ ἔσπαιον δεχέσθαι, sentiat δεχέ-
 σθαι aliter quàm ἀκτινὲ construi, quacun-
 que ordine cum pronomine ὁν, & cum no-
 mine ἔσπαιον componatur? Verum quis hæc
 legem imposuit interpretibus, vt quacun-
 que ἀκτινὲ ab aliquo scripta dicuntur, non
 nisi ἀκτινὲ conuertantur? Imò fingamus i-
 ta fuisse hunc locum, à me conuersum, A
 quo oportet cælum accipi, num isti
 quæ so me reprehenderent? Imò certè miris
 modis

modis me collaudarēt, quoniam multò apertius pro illis faceret hæc interpretatio, quàm Græca verba quibus vsus est Lucas. Itaq, quàm sit inanis hæc obiectio & vanis Sophistis potius quàm grauib⁹ Theologiae magistris conueniens, nemini iam obscurum esse potest. Nam istæ certè enuntiationes, Christus accepit cælum, & Cælum acceptum est à Christo: item istæ, Cælum capit Christū, & Christus capitur cælo, verbis quidē nonnihil, re ipsa verò nihil prorsus discrepāt. At enim, ait Selnecerus admodum confidenter, versio ista excogitata est nuper, fuitque vniuersæ antiquitati nostrisq, Ecclesiis & Scholis hætenus ignota. Deus bone, tantā cuiquam inesse posse audaciam qui tuendæ veritatis zelum præferat? Age igitur ex tota antiquitate, imò vel ex nostræ memorie scriptoribus qui Lutherum antecesserunt, vel vnum ostendat ista verba sic interpretatum, ac si dicatur Christus cælum accepisse, ac non potius vt dicatur Christus secundum carnem in cælum receptus, ibique, etsi summa gloria fruens, spatio quod

gravius dicam, imprudētiam: Vides enim
verbum esse pluralis numeri, quicum ne-
cessariò Calorum nomen à parte anteriore
construitur, ac proinde constructionem il-
lam vestram tuo ipsius calamo expungi.

En belle illius quā defendūt interpreta-
tionis testes, quorum unus non minus pro
me quàm pro illis facit, alter planè ipsos
conuellit. Et eos non pudet antiquitatem
& orbis totius auctoritatem iactare? Tan-
dem igitur ad sacram anchoram venit
Selneccerus, nimirum ad Lutheri versio-
nem, quam nos quidem quanto rectius ut
& nouam & prauam hoc loco reprehendi-
mus: Etenim etiamsi Lutheri sententiam
admitterem, tamen, ut antea probavi, ver-
bum δὲ Χρῆσται non respondet verbo Εἰννε-
μεν, quod accipere siue occupare decla-
rat, nisi forte occupare Calum Christus di-
catur, sicut locus à re contenta occupatur,
quod prorsus pro nobis faceret. Deinde ut
illum suum sensum Lutherus commodè e-
liceret, verbum δὲ explicandum fuit pro
ἐδὲ, id est pro Mus scribendum. Hat mus-
sen, nisi pro præsenti Εἰννεμεν maluis-

set usurpare perfectum. Iterum enim inculco, & omnes communi sensu præditos homines istis iudices fero, nō posse non ineptè locutum videri qui de re peracta loquens dicat, Oportet Christum accipere cælum, id est ut Christus accipiat cælum, usque ad tēpora restitutionis omnium: sed omnino dicendum fuisse, Oportuit Christum accipere cælum, id est, ut Christus acciperet cælum, vel, Oportet Christum accepisse, id est ut Christus acceperit cælum, siue à Christo acceptum fuisse cælum. Viderit igitur quomodo istam interpretationem pro sana & recta venditet, quam, ut ostendimus, & verborum proprietas, & sententia ipsius ratio manifestè conuellit, nedum ut illam tanquam irrefragabilem nobis obtrudat.

Sed iam audire mihi videor illorum tonitrua, quasi videlicet inexpiabile sit scelus quicquam in Germanica D. Lutheri versione emendare, quod tamen ipsimet quoties faciunt? Sed age tamen maneat sanè sua laus magno illi viro, & plurimis in Ecclesia

Ecclesia Dei utilissimisque laboribus defuncto. Quis enim hoc inficietur? Liceat tamen eius scripta, quaecunque tandem sint, ut & omnium post Apostolos scriptorū, ad Dei verbi normam in primis exigere, & aliorū quoque, tum veterum, tum recentium Doctorū rationes & argumenta expendere, nisi fortassis hūc unū antiquiorū fuisse ostendant. Sin minus, clament licet, & pro more quiduis apud imperitum vulgus spargant, ego unum saltem illud Democriti regeram, Desinite ineptire pueri.

Vt autem nullus sit tergiversandi locus, & illam potius versionem constet nouam esse, & vetustati inauditam: istam verò cuius auctorem me faciunt Ienenses (in eo quidem à Selneccero dissentientes qui se ab hinc annis viginti ista versione mirificè (proh dolor) commotum, turbatum, perculsum denique clamitat, quum tamen interpretatio mea anno demum 1556. prodierit) ut istam, inquam, versionem quam illi non ut nouam modo verum etiam ut falsam & impiam criminantur.

nantur, ostendam certo ipsius verbi Dei, ac præterea doctissimorum tum veterum tum recentiorum scriptorum testimonio confirmari: primum hoc ex istis quæro, ubi tandem inuenerint siue in vetere siue in nouo Testamento durum istud, & obscurum, adeoque enigmaticum dicendi genus, Accipere cælum, siue pro caelesti regione siue pro caelesti gloria Cæli nomen intelligant. Certè nusquam hanc formulam vel similem aliam quampiam deprehendent. At contra lego Luc. 24. 51. ὁἰσὼν αὐτῶν εἰς τὸν οὐρανόν, ἀνέβη εἰς τὸν οὐρανόν. Item Act. 2. 9. ἀπὸ τῆς γῆς εἰς τὸν οὐρανόν, & 11. ἀναλῶν εἰς τὸν οὐρανόν, quibus verbis nisi clarè perspicuè, disertè significari fateamur discessum Christi à terra ista quā calcabāt discipuli, in illud ipsum Cælū quod supra nos est, age ipsum quoque Solem sursum esse negemus.

Sed rursus hinc Bezæ insurgunt Ienenses, verum quo tandem pudore? Adiecit, inquit, Beza particulam S V R S V M. At ego cogor rursus exclamare, Quæ hæc est audacia, quæ hæc est calumniandi libido?

libido? Christum isti ferunt dici Ascendisse in cælum, Eleuatum fuisse, Profectum fuisse in cælum: & hoc saltem nobis ne Brentius quidem ubiquitarium celi tum inferni fabricator, nec Illyricus ille Ismael inficiatur. Christum fuisse ad nubes usque sublatum. At isti ferre non possunt Bezam interpretantem ἀναλαβέντος Sursum receptus, & ἀνελήφτο Sursum ferebatur. Malunt enim verti, Assumptus, & Ferebatur. Atqui Assumere significat, Ad se sumere, quod quibusvis Grammaticis iudiciis, non respondet τὸ ἀναλαμβάνειν, sed τὸ ἀνελήφεν. Deinde quum eò demum sit receptus siue assumptus Christus quò profectus est, dicatur autem ἐπαρθεῖναι, Id est, ut transfert vetus interpretes, Eleuatus, Erasmo autem interprete, In altum sublatum; & à nube exceptus, & in illud ipsum calum profectus quò discipuli direxerunt oculos, cuius est vel & stuporis vel impudentia arguere me quò ἀναλαμβάνεται vertam, Sursum recipi? Verba autem ἀνελήφεν & παρέρχεται oportuit istos

b. ii.

saltem ex *Aristotelis meteoris* didicisse, inter se opponi. Quòd si *Christus* sursum est sublatus, & sursum acceptus, uter re-
 etius istum locum *Petri* conuertit, qui di-
 cit quòd *Christus* celum acceperit, an qui
 dicit quòd *Celum* venientem *Christum*
 receperit, ac proinde ipsum capiat?

Age verò, addamus etiam vetustatis
 testimonia. De *Syro* interprete doctissimo
 & vetustissimo diximus antea, qui etiam
Luce 9, 51, & 24, 51, & *Act.* 1, 9. & 11. &
1. Tim. 3, 16. verba, ἐπαίρεθι, ἀναφέρειθι &
 ἀναλαμβάνεσθαι, unico *Syriaco* expressit
 quo significatur τὸ ἀναβαίνειν, ut & *Gra-*
cus interpretes *2. Reg.* 2, 11, ἦν vertit καὶ
 ἀνελήσθην.

Omnium autem clarissimè *Nanzian-*
zenus altera concione ὡς τὸ ὕψος toti-
 dem his verbis illum *Petri* locum citat,
 καὶ ὅτε ἔγενετο δεξιὰ τοῦ αἵματος
 καὶ τὰς ἀστέρας, A cælo recipi (id est, sicut
 antea probavi, receptum teneri) vique
 ad tempora reiterationis. Huius igi-
 tur tanti viri quum sim vestigia ipsa in
 hoc quoque sequutus quòd perspicuitatis
 causa

causa passiuam formulam usurpauit, vide-
rit an sanus fuerit ille quum insaniam mi-
hi obiceret, ac non potius verum esse com-
probet quod initio suæ accusationis scripsit,
se nimirum nesciuisse quid faceret, quum
hanc criminationem aggrediretur.

Sed & Occumenius, cuius etiam testi-
monio iidem abutuntur, Cælum vocat, τὸ
ἀπὸ τοῦ οὐρανοῦ ὑποδοχὴν, id est Christi rece-
ptaculum. Itaque (quod etiam plenius
mox demonstrabimus) qui negat totam
vetustatem hac Petri verba sic accepisse, ut
dicatur Christus in cælos receptus, ibidem
nunc ut in loco residere secundū carnem,
necesse est pudorem omnē abiecerit. Quod
autem Petrus ita significarit Christum ac-
cepisse cælum, id est caelestem gloriam, nun-
quam ex ullo patrum testimonio ne ad
Græcas quidem Calendas accusatores mei
probabunt.

Ex his igitur rursus effici dico quod
volebam, illam videlicet interpretatio-
nem, Oportet Christum cælo capi,
sive proprietates verborum spectetur, siue to-
tus vetustatis auctoritas, bonam & ve-
b. iii.

ram esse, ac proinde meos accusatores in calumnia manifesta deprehendi.

Iam superest ut illud quoque videamus, num videlicet mea interpretatio qua dicitur Christus in celo ut in loco secundum carnem contineri, aliquid Petro affingat quod non conveniat ipsius instituto. Potest enim sæpe sic verti locus aliquis, ut vera quidem sit sententia qua inde elicitur, & tamen scriptoris mentiparum consentanea. Atqui fideliter à me expressum fuisse quod Petrus dictum voluit, puto iam satis ex superioribus liquere.

Vnum tamen placet expendere quod ille meus plagiarius in illa sua præclara glossa nobis obucit Refutationem enim illam quàm se edidisse scribit anno 1567, nancisci quum hæc scriberem nondum potueram. Alii, inquit, volunt intelligendum ipsum Christum capi aut detineri à celo, quæ sententia esset contra Apostoli scopum, potius imbecillitatis quàm gloriæ & potentiae Christi prædicatio. Hæc ille, in quibus
multa

multa sunt errata. Primum enim illud Retineri inuidiosè scribit, quasi videlicet quum Christi corpus dicimus, quia corpus est, suo spatio contineri, eum veluti carcere includamus, de qua vanissima calumnia mox dicemus. Deinde in eo quoque fallitur quod circumscriptionem siue finitionem circa creaturam, putat esse infirmitatem, quum sit potius eius perfectio ac complementum, ut ipsi quoque scholastici rectè tradiderunt. Quid enim dici possit absurdius quàm essentialis proprietatis abolitione essentias perfici? Nec tamen negosic discriminari creata (quæ omnia finita sunt,) ab eo qui vnus est infinitus. Sed quid hoc Illyricum iuuat? nihil ceriè, nisi putat cum Brentio ab iis deprimi Christi gloriam, qui carnem non induunt deitatis spoliis. Præterea quis hunc docuit Petro propositum fuisse Christi gloriam sic prædicare, ut nihil nisi Deo conueniens ei attribueret, siue ut velut altera natura ipsum spoliaret? Certè hominem esse, & interfectum fuisse palàm fatetur Petrus non minus quàm sanctū, & iustum, & authorem

vita, & à mortuis excitatum. Imò si hoc unum ei propositum erat quod iste dicit, cur obsecro apud istos præsertim adhuc ad Christum potius adducendos quàm adductos, isto tam nouo, obscuro, insolenti, adeòq; enigmatico dicendi genere potius quàm vísitato exaltationis, & sessionis nomine vteretur? Quotus enim quisque diuinaret, Accipere cælum idem declarare atque summæ illius gloriæ fieri participem? Res autem, meo iudicio, ita se habet. Petrus à reprehensione exorsus summam perfidiam & crudelitatem Indæis exprobrat, quæ tamen Christi gloria & dignitati nihil detrahat, ut qui sit à mortuis excitatus & quanta virtute polleat signis & prodigiis in ipsius nomine editis abundè demonstrat. Hic verò quum nihil conuenientius esset quàm ut quærent Indæi, ubinam igitur esset Christus ille à mortuis excitatus, & cur in apertum non prodiret, occurrit huic quæstioni Petrus, respondens oportere ipsum in calis residere donec rursus appareat plenè mūdum instauraturus, sicut prædixerunt propheta,

propheta, quorum denique propositis & ad ipsos Iudeos applicatis testimoniis, eos ad resipiscentiam & fidem hortatur. Recte igitur OEcumenius quærens cur Petrus potius non dixerit *ὁ ἡγεμὸν ἐστὶν* *Ἰσραὴλ*, Quæ cælū recepit, Hoc, inquit, dixit ut de superiore tempore differens. Istis autē verbis *ἀλλὰ ἡγεμὸν ἀποκαταστήσεως*. usque ad tempora restitutionis omnium, causam declarat quare nondum nunc veniat. Oportet, inquit, omnia restitui, & ad finem devenire, & tunc veniet. Hæc ille, significans Petri verba perinde explicanda ac si dixisset, Quem recepit cælum, unde oportet, (id est, ut recte exponit Chrysostomus, constitutum ac decretum est) ut veniat quando omnia restituet, quæ tempora prædixerunt Prophete, &c. Et de hoc quidem hætenus.

Obiicit rursus nobis idem ille plagiarus decerptam ex D. Caluini commentariis particulam. Quidni enim hoc ausit iste quem nihil pudet? Locutio, inquit D. Calvinus, est ambigua, quia tam

intelligere possumus Christum cælo
 capi vel contineri, quàm cælum ca-
 pere. Ne ergo verbū dubiæ signifi-
 cationis urgeamus. *Hac igitur Calvinus,*
minimè sanè vel approbans ineptum il-
lud dictum Christus accepit cælum,
id est gloriam Patris, *vel ut iste garrit,*
nos taxans quasi super dubium funda-
mentum ingentem molem extruamus, sed
hoc istis præfractis ingeniis largiēs, ut nul-
la nisi prorsus perspicua & dilucida Scriptu-
ra testimonia aduersum eos urgeamus.
Hac autem modestia nostra quum non-
nullos tandiu videamus abuti, urgere ne
hæc quidē, detectis quibus obscurantur ar-
gutulis ineptiis, desinemus. Ceterum qua
tandem nisi Dalmatica siue Illyrica fide
istum D. Caluini locum iste decurtauit?
Sic enim mox D. Calvinus, Sed eo con-
 tenti simus quod certum est, Chri-
 stum, interea dum speratur vltima
 rerum omnium instauratio, non ali-
 bi quàm in cælo quærendum esse. *I-*
sta verò prius dixerat : Quoniam ad
 crassum terrenumque Dei & Christi
 aspectum

aspectum semper propendent hominum sensus, poterat in mentem Iudæis venire, Christum quidem prædicari à mortuis excitatum, sed ubi nam esset non ostendi. Præuenit ergo Petrus quum in cælo esse docet. Vnde sequitur tollēdas esse in altum mentes, ut Christum fidei oculis requirant, quanuis immensa locorum distantia sit remotus, & in cælesti gloria extra mundum habitet. *Hæc ille. Viden' igitur, plagiarie, te sic esse in mortuos quoque crudelem, ut hūc etiam Caluini partum truncato capite ac pedibus in monstrum transformas?*

Et hætenus quidem de priore accusationis parte. Nunc de ipsa huius dicti sententia disseramus, num videlicet impiè dicatur, Carnem illam Christi gloriosam cælis capi, id est ultra mundum in illis regionibus in quibus summa illa Dei maiestas plenissimè refulget & quæ sunt æternæ nostræ felicitati destinata, nec vsquam alibi nunc residere: & ita quidem ut naturalis corporis loco & spatio quacunque tandem

*celorum parte consistere ipsi libuerit, con-
tineatur ac comprehendatur, num, in-
quam, hoc impie dicatur, ac non potius pu-
tida & rancida sit hæresis contrarium af-
firmare. Primum autem diluamus accusa-
torum argumenta, ac deinceps nostra con-
firmabimus.*

*Hæc Petri verba (inquit rursus ad-
modum confidenter Selneccerus) nunquã
aliter vera Ecclesia nisi de exaltatione
naturæ humanæ in Christo siue de sel-
sione Christi ad Patris omnipotentis
dextram accepta & intellecta fuerint,
ut erudita antiquitas & consensus o-
mnium sanorum comprobant. Ergo
tibi, Selneccere insanimus. Et sanè ita est,
si verum dicis. Sed quando tandem te ve-
rum dicere, imò quando te potius in istis
non insanire probabis? Audiamus enim
quid dicas.*

*Ascendit (inquis) Christus in cæ-
los, id est, ut ait Augustinus, cōditio-
nem naturæ quam de hominum ma-
tæ natus assumpsit, super Cælos in
dexteram Dei collocavit. Obsecro, mi
homo*

homo, an sani est hominis seipsum cōfode-
re? Qualis est, obsecro, ista conditio assum-
pta humane nature? num Vbique esse?
Quid est aliud collocare quàm in loco con-
futuere? Et tamen hæc ipsa natura, qualis
est assumpta, quod ad conditionem ipsam
nature attinet diserte hic dicitur colloca-
ta ad dextram Patris, Ergo, te ipso teste, si
Augustino assentiris, locus & sessio ad
dexteram, siue glorificatio carnis Christi,
inter se non pugnant. Quod si, ut tu vis,
per Calos idem atque Dexteram nomine,
gloria videlicet æterna significatur, quor-
sum Augustinus ista battologia vteretur,
ac nō potius super calos, id est, ad dex-
teram Dei, addita videlicet particula
exegetica scripsisset? Denique quid erit
istud supra calos? nempe supra ipsam de-
xteram. Postremò an oblitus es agi de Pe-
tri loco? Num dixit Petrus, Quem oportet
Christum ascendere in calos? non cer-
tè. Effet enim inepta oratio, quoniam iam
Christus eò ascenderat Atqui, non minus
inepta fuerit oratio, si idem valet, Acci-
pere Calum atque ascendere in Calum.

Hocine verò est sapere?

Dextera Dei, (inquit idem Selneccerus,) vt Athanasius & Basilius categoricè, euidèter ac veriſsimè interpretantur, non ſignificat aliquid circūſcriptum: ſed gloriam ad quam ſit euectus Chriſtus ſecundum ſuam humanam naturam. *Nos verò concedimus tibi totum hoc argumentum Selneccere, ſed conſecutionem pernegamus. Nec enim dicimus dexterā Dei ſignificare circunſcriptum aliquid, ſed diuinam eius gloriam qui tamen eſt in loco, propter veri corporis modum, vt iſta ſeſſio circunſcriptionem loci non excludat. Vis vt tecum craſſius agam? Aliud eſſe dicimus Aſcendere in cælum quàm Cælo capi, & hoc rurfus aliud quàm Cæleſti gloria ornari, ſicut exempli gratia, aliud eſt Aſcendere in montem, quàm In monte reſidere, & hoc rurfus aliud quàm In illo monte felicem & beatum eſſe, atque adeo, ſi vis, quàm In illo monte vt in regni ſui ſolio commorantem, imperium in vniuerſum mundum obtinere.*

obtinere. *An verò rursus oblitus es agi de Petri loco, nō de articulo, Sedet ad dextram Patris?*

Profert postea locum Damasceni, in quo dicit Christū sedere σωματικῶς ad dextram Dei patris, quæ tamen dextera Patris non sit localis. Enimverò an quisquam nostrum est qui Deum patrem dicat instar hominis esse, qui dextrum vel sinistru latus habeat: Quid ergo est ista Patris dextera? gloria, inquit, & magnificentia ipsius, cuius est particeps Filius secundum carnem, sed σωματικῶς. Ergo talis est glorificatio quæ non impediatur sedētis & vera carne præditi circumscriptionem, & talis vicissim circumscriptio quæ glorificationi non officiat. Cur igitur impius fuerit qui dicit Christum celo capi, id est loco & spatio in cælis contineri?

Citat etiam illud Chrysostomi in Heb. 1,3, testātis verbis Apostoli, ad dextram maiestatis in excelsis Deum non concludi loco, sed ostendi hominem Christum omnibus altiore & excellentiore. Et quis tādē ista negat? Verum ut summa

glorificatio corporis Christi ipsum euehat supra omne nomen, quis tamen inde merito concluderit nullo loco capi, id est absorptam esse corporis naturam?

Adfers etiam ista Seueriani verba, Nam diuinitas carni contulit quod semper Filius Dei cum Patre possedit. Concedo sanè, quum vnione hypostatica datum sit huic assumptæ carni ut sit Fily Dei caro, ac proinde homo iste sit essentialiter Deus, quatenus est hypostaticè cum Verbo coniunctus. Quòd si hoc referas ad ipsius vnionis dona, cogeris sanè excipere diuina naturæ idiomata, nisi malis apertè in Eutychetis castra transire.

Quid plura? Theodoretum etiam audes in tuas partes pertrahere non tamen quasi pro te facientem (constat enim illum ex professo oppugnare quod tu nunc defendis) sed quasi à se ipso dissentientem. Cedo verò quomodo? Quoniam, inquis, citat Athanasij verba, scribentis, Hæc verba, Sede à dextris meis, corpori Domini conuenire, non diuinitati quæ omnia implet. Et quid hoc est rursus aliud

aliud q̄ se ipsum confodere. Nā si Sedere à dextris idcirco cōpetere nō potest Deitati quoniā omnia replet, efficitur humanitati sic cōpetere ut omnia nō repleat. Nam, ex illa Athanasii ratione, si ipsa quoq, caro omnia repleret, non minus posset dici sedere ad Patris dextram quā Deitas. Non igitur sibi ipsi Theodoretus, sed tibi, ut & tu tibi ipsi manifestè repugnās, Sel- neccere, tanta vis est veritatis.

Gregorius Nyssenus sic habet, Quæ naturaliter habet Christus ut Deus, ea dicitur accipere ut homo certo consilio factus. Ideò dicebat, Pater, glorifica me apud temetipsum ea gloria quam habebā & cæt. Nisi enim hanc haberet propriam ut Deus, fieri non posset ut eam tanquam alienam acciperet, Deo & Patre per Prophetā dicente, Gloriam meam alteri nō dabo. Pulcherrimus certè locus, quem si mei accusatores intelligerent, tota mox definita esset controuersia.

Agit Nyssenus de idiomatibus Diuina nature. Hæc enim sunt quæ naturali-

ter Christus et Deus habet sibi propria. Illa igitur dicit Christum non aliter posse dici ut hominem accepisse, quam quomodo assumptus ille homo, & est & dicitur Deus. Atqui homo iste non est Deus in sese sed κατ' ἄλλο, id est respectu naturæ diuinæ in qua subsistit. Ergo homo quidem ille est omnipotens, omnipræsens, viuificus & adorari debet, non tamen in sese, sed κατ' ἄλλο, id est, quatenus in natura Diuina subsistit, cuius illa sunt propria & proinde incōmunicabilia idiomata: quia scriptum est, inquit Nyssenus, Gloriam meam alteri non dabo. itaq; rursus tibi gratiā habeo, Selneccere, quod tam cōmode causam nostram, id est, veritatē siue prudens siue imprudēs tuearis. Nam si vera illa sunt, uti sanè sunt, totā illam Brentianā effusionem omnium proprietatū Deitatis in carnem assumptam, siue illam idiomatum communicationem quam vos ipsarum etiam naturarum singularum respectu realem esse vultis, ut Eutychianam, id est, ut falsam, blasphemam, impiam, destructo à vobis ipsis vestro fundamento, funditus rueret.

ne necesse est.

Hæc quum ita se habeant, indicet nunc
quis quo pudore iactent isti mei accu-
satores totius pie & erudita vetustatis,
adeoque omnium qui usquam fuerunt, or-
thodoxorum consensum, quod ut magis
etiam liqueat, age ex infinitis omnium
veterum scriptorum testimoniis quæ toties
Brentianis siue Iacobandreanis deliriis
opposita, nunquam refutata sunt, pauca
summatim reponamus.

Ignatius ad Trallianos, Verum cor-
pus Maria peperit, quod hæc omnia
quæ propria sunt corporis humani
nobiscum habet communia. Ergo vel
in primis circumscriptionem, quam si de-
posuit per sessionem, simul veritatem cor-
poris abiecit.

Dydimus lib. de Spir. Sancto, interprete
Hieronymo. Iple Spiritus sanctus si v-
nus esset ex creaturis saltem circun-
scriptam haberet substantiam, sicut
vniuersa quæ facta sunt. Ergo loco non
circumscribi est proprium Deitatis prorsus
incommunicabile, aliqui non staret

Dydimi argumentum.

Apollinaris citante Theodoro, Christi copulatio cum corpore, non mutat corporis naturam. *Ergo vel natura corporis non est finitum & loco circumscriptum esse, vel fallitur qui corpus Christi reipsa negat calo capi, quum in calo sit.*

Seuerianus, Mysterium verè cæleste & terrenum. Talis enim erat natus Christus cælestis & terrenus: versans in loco & extra locum positus: visibilis & inuisibilis: cælestis secundum diuinitatis naturam, terrenus verò secundum humanitatis naturam: visibilis secundum carnem, inuisibilis secundum spiritum: in loco versans secundum corpus, extra locum positus secundum Verbum. *Aliud autem est Verbum cui uni est assumpta illa caro, aliud est ipsius Verbi in assumptā carnem ἐνσπύειν. Itaque præsens quidem est ubique etiam homo ille, sed κατ' ἄλλο, id est quatenus Deus, nec tamē κατ' ἄλλο, quia unus est Deus & homo.*

Origenes

Origenes Homil. 33. in Mattheum:
Quasi homo peregrinatur, qui est
vbique secundum Diuinitatis natu-
ram. Nec enim est homo qui est vbi-
cunque duo vel tres in nomine eius
congregati fuerint: neque homo no-
biscum est omnibus diebus vsque ad
consummationem seculi: nec congre-
gatis vbique fidelibus præsens est ho-
mo, sed virtus Diuina quæ est in Iesu.
*Vera & orthodoxa est hæc sententia, id
est, vobis Brentianis & Semibrentianis,
ut olim erant Ἀπεριῶται & ἡμιἀπεριῶται, prorsus
repugnans. Hoc tamen notandum, cau-
tius loquutos qui atate illam sequuti sunt
quum nomina concreta ab abstractis di-
stingerent. Itaque illud Nec enim est
homo dictum est pro Nec enim est hu-
mana natura, siue pro Nec enim Chri-
stus secundum humanam naturam.*

*Athanasius apud Vigilium: Quo mo-
do ait, Vado ad Patrem cum quo sem-
per erat, & à quo nunquam recesser-
at? (eius est enim ire & venire, qui
aliquibus locorum terminis circun-*

scribitur, & eum in quo erat deferere locum, vt ad alium vbi non erat, veniat) nisi quia vtiue de illo quem assumpserat homine loquebatur? *Ergo totus ille vester allegoricus ascensus, quo tolli posse putatis corporis circumscriptionem, vanum & futile est commẽtum.*

Theodoretus dial. 2. Corpus Domini quod resurrexit, à corruptione quidem & interitu alienum & impassibile, & immortale, & Diuina gloria glorificatum, & sessione ad dexteram Patris dignatum est, & à cœlestibus adoratur potestatibus (nempe vt Dei corpus) corpus tamen est, & habet quam prius habuit, formam, figuram & circumscriptionem. *Non est igitur impium dicere Christum qui ascendit in celos & ibi sedet ad dexteram Patris, cœlo capi, id est contineri secundum carnem: sed hoc negare est impium.*

Gregor. Nazianzenus apud Theod. dial. 1. Christus habitat in cordibus nostris, videlicet non secundum apparentem naturam sed inuisibilem.

Item

Item: Docemus eundem Christum, circumscriptum corpore, incircumscriptum Spiritu, qui loco continetur & loco non continetur. Quid apertius in eos dici potuit qui illū calo capi negāt?

Tertullianus de Trinit. Ubique inuocatum adesse, non hominis natura est, sed Dei, ut adesse omni loco possit. Hoc verè firmum est argumentum quo sanctorum mortuorum inuocatio non tantum stulta & inanis sed etiam impia esse conuincitur. Το οὐκ ὅτι αὐτὴν autem argumenti manifestè vestram illam realem carnis Christi πᾶντα ἔχειν evertit. Quod si excipiat ex eo consequi inuocandum igitur non esse hominem Christum, planè ineptè feceritis. Etsi enim assumpti illius hominis natura non est ubique, is tamen qui illam assumpsit hypostaticè, ubiq; est, nempe Verbum æternum Patris. Ideo non inuocatur quidē humana natura per se sed inuocatur Filius Dei quidē & vnus etiam est homo. Hæc qui non distinguit, quid inuocet nescit.

Cyrillus lib. 2. dial. de Trinitate, Si dicat.

uina natura partitionem reciperet, intelligeretur & corpus. Si autē hoc, in loco omnino & magnitudine & quantitate: & si caderet in eam quantitas, non effugeret circumscriptionē.

Item lib. 10. cap. 38. in Ioan. Nullus ambigit, quum ad cælos ascēderit, quauis virtute Spiritus semper adfuerit, præsentia tamen carnis ipsum abesse. *Idem*, Et si corpore absens sit Christus, Patri pro nobis apparens, & ad dextram ipsius sedens, habitat tamen in sanctis per Spiritū, nec patitur eos orphanos esse, quibus cælum ascendens Spiritum misit. Nō enim conuersari carne cum Apostolis poterat, quum ad Patrem ascenderit. *Ergo ex ascensione & sessione tantum abest vt colligi possit realis illa cōmentitia Omnipræsentia, vt contrā inde necessario adstruatur carnis absentia, qua tamē non tolli corporis & sanguinis κοινωνiæ certum est.*

Vigilius Martyr lib. 1. contra Eutychen:
Dei filius secundum humanitatem
suam

suam recessit à nobis: secundum verò
Diuinitatem suam ait nobis, Ecce e-
go vobiscum sum. Est igitur nobis-
cum & non nobiscum, quia quos
reliquit & à quibus discessit humani-
tate sua, nō reliquit nec deseruit Di-
uinitate sua. *Item libro 4.* Quomodo
quum Verbum vbique sit, non vbi-
que inueniatur & caro? Nam quan-
do in terra fuit, non erat vtique in
cœlo: & nunc quia in cœlo est, non
est vtique in terra, & in tantum non
est, vt secundum ipsam Christum ex-
pectemus venturum de cœlo, quem
secundum Verbum nobiscum esse
dicimus in terra. Aut Verbum cum
carne sua loco continetur, aut caro
cum Verbo vbique est: sed quia Ver-
bum vbique, caro autem vbique nō
est, apparet vnum eundemque Chri-
stum, vtriusque esse naturæ, & esse
quidem vbique secundum naturam
Diuinitatis suæ, & loco contineri se-
cundum naturam humanitatis suæ.
Circumscribitur loco secundum na-

turam carnis suæ, & non capitur loco, per naturam Diuinitatis suę. Hęc est fides & confessio catholica, quam Apostoli tradiderunt, Martyres roborauerunt, & fideles nunc vsque custodiunt. *Auditis boni viri, carnem Christi ubique non esse: loco contineri: loco capi: auditis mēdacij conuinci qui Bezam faciant primū authorem istius dicti, Christum cælo capi: auditis tanto teste quantum vniuersa post Apostolos antiquitas in hoc argumento vix vllum habet, fidem vocari Catholicam ab Apostolis traditam, à Martyribus roboratam, à fidelibus semper custoditam, illud ipsum quod ex professo vos scilicet orthodoxi, Vos martyres, Vos fideles Ecclesię Dei pastores tam Christianè oppugnatis, vt te, Selneccere, non pudeat crucem etiam iis à quibus tam leuiter defecisti precari? sed quam potius mirum ni tandē comperias te tibi ipsi fixisse.*

Ambros. epist. 22. & lib. de incar. Domini: Eadem in Christo corporis veritas est, quæ in nobis. Idem lib. de Spirit.

rit. S. Omnis creatura certis suæ naturæ circumscripta est limitibus, nec creatura dicenda est quæ non habet circumscriptam determinatamque virtutem. *Ite nunc & negate humanitatem Christi à vobis perimi, quum ut hæreticum damnatis qui Christi corpus post Petrum affirmat cælo capi.*

Augustinus epist. ad Dardanum, Spatia locorum tolle corporibus, & nusquam erunt, & quia nusquam, ergo nec erunt. Hinc ubique crede Christum, per id quod Deus est: in cælo autem per id quod homo, secundum veri corporis modum. Si nusquã sunt corpora quibus tolluntur spatia, quid vobis fiet quibus impium est dicere Christum cælo, id est, celesti spatio capi? Et si vera sunt ista non tam Augustini, quàm totius Ecclesiæ argumenta, ubi veri corporis modus si non circumscribitur? & Celi nomine significari realẽ ubiquitatem quis vobis concedet? Item cap. 1. tract. 30. in Ioan. Donec seculũ finatur, sursum est Dominus, sed tamẽ hîc nobiscum

etiam est veritas Dominus. Corpus enim in quo resurrexit, in vno loco esse oportet, Veritas autē eius ubiq; diffusa est. *Vtrum verò durius est dicere, oportere Christum sursum esse, id est, in vno loco, vel, Christum cælo capi vsque ad tempora restitutionis omnium? Vtrum igitur impium dogma? hoc cene an nostrum? Item lib. 22. De ciuit. Dei: Deus totus in cælo, & in terra simul totus est, quod nulla natura corporalis potest. Vnde igitur nisi ex erroris spiritu emanauit vestra illa realis omnipresētia non dico hominis Christi. (nec enim hoc negamus quum vnus sit Christus Deus & homo) sed carnis Christi, quæ certè Deitas nō est nec erit? Vnde etiā illa vestra oralis manducatio, id est, commētum cuius vel ipsum Satanam pudeat?*

Item epistola 3. Quantumcūque sit corpus vel corpusculum, vt loci occupet spatium, eundēque sic impleat, vt in nulla eius parte sit totum necesse est. Et ne hic fortasse cuiquam imponatis, non potestis inficiari Augustinum

num de illo ipso glorificato Christi corpore differere.

Idem, Hoc est Deum esse, quod v-bique totum esse. Ergo vel negate Christi carnem v-bique totam esse, vel fatemini eam à vobis in Deitatē transformari.

Idem, De essentia Diuinitatis: Sicut eundem Dei Filium & Redemptorem nostrum secundum Diuinitatem inuisibilem, incorporeum & incircumscriptum, sicut & Patrem & Spiritum sanctum, non credere impium est: ita eundem Dei Filium, in homine assumpto, visibilem, corporeum, atque localem post resurrectionem non credere & profiteri, est prophanium. Vtri igitur impij, vtri prophani, Selneccere?

Idem lib. 22. De ciuit. Dei. Christus v-bique est tanquam Deus, & in loco aliquo celi propter veri corporis modum, cui immortalitatē dedit, naturā non abstulit. Si in loco aliquo celi est, quomodo impius qui dicit Christū celo capiti? imo quomodo non impij qui hoc negāt?

Item epist. 146. Ego corpus Christi ita in cælo esse credo, vt erat in terra quum ascēderet in cælum, & quemadmodum ipse Christus discipulis de resurrectione ipsius dubitantibus ait, Palpate & videte, Spiritus carnem & ossa non habet. *Idem & nos credimus, ideóque Brentianos incarnationem, ascensionem, sessionem vbique confundentes toto corde detestamur.*

Item epist. ad Dardanum: Secūdam hominem in terra erat, non in cælo vbi nunc est, quando dicebat, Nemo ascendit in cælū, nisi qui de cælo descendit Filius hominis qui est in cælo, quāuis secundū quod Filius Dei erat, esset in cælo, secundum quod verò Filius hominis erat, adhuc esset in terra. Noli itaque dubitare ibi nūc esse hominem Christum, vnde venturus est, secundum Christianam confessionem, in eadem videlicet carnis forma, cui immortalitatem dedit, naturam non abstulit. Secundum hanc formam, non est putandus vbique diffu-

difficilis. Cauendum est enim ne ita Diuinitatem astruamus hominis, vt veritatem corporis auferamus. Non est autem cōsequens, vt quod in Deo est, ita sit vbique vt Deus. *His qui non assentitur, anathema sit. Quàm verò futile, quàm vanum & ineptum sit Brentianum commentum de vbiuitate ex dono sine effusione ἐκπέρας, alibi plenissimè est demonstratum, si modò apud sanos homines refutatione indiget. Certè qui quicquam creatum sentit hoc adeptum esse vt realiter & in sese sit vbique, is necesse est fabricet Deum per accidens, id est, portentosum idolū. Vos verò quaeso, quandiu Christianam religionē exponetis ipsorum etiam Mahumetanorum ludibriis?*

Item Serm. 60. de Verb. Domini: Semper quidem nobiscum est Diuinitate sua, sed nisi corporaliter abiret à nobis, semper eius corpus carnaliter videremus, & nunquam spiritualiter crederemus. Hinc tandem aliquando colligite, quis spiritus id substernat tanquam necessarium ad eam fidem quæ ad

cœnam Domini cum fructu celebrandam requiritur, quo posito ruat quod in Cœna primum & primum est.

Item tractat. 87. in Ioan. A quibus homo abscedebat, Deus non recedebat. Et idem ipse Christus Deus & homo. Ergo ibat per hoc quod homo erat, & manebat per id quod Deus erat: Ibat per hoc quod in vno loco erat, manebat per hoc quod ubique erat. *An aliud dicit qui Christum quatenus Deus est ubique verè esse, quatenus verò homo est calo capi siue cōtineri docet?*

Item tractatu 36. & 50. in Ioan. Secundum corporis quidem præsentiam, & secundum carnē quam Verbum assumpsit, ascendit in cælum, non est hīc. Ibi sedet ad dexteram Patris: & hīc est: non enim recessit præsentia maiestatis. Secundum præsentiam maiestatis semper habemus Christum, secundum præsentiam carnis, rectè dictum est, Me semper non habebitis. *Maiestatis nomine, non illam commētitiam ὑπερουσιώδω omnipræsentiā*
sed

sed deitatem ipsam significari liquet tum ex aliis perspicuis locis, tum ex ipso Carnis vocabulo, quod illi opponitur. Quod si ex ascensione in cælum rectè colligitur carnem quia ascendit, hinc non esse cuiusmodi est eorum Theologia qui ex ascensione colligunt omnipræsentiam, & locum in quo sedet glorificatus, cum ipsa glorificatione confundunt: qui denique tam latè patere, somniāt ipsam regnantem carnem, quàm ipsius imperium: Itē lib. de Unit. & Trin. cap. 2. Per id quod est Deus est, æqualis Patri, & vbique præsens est, & in cælo totus, & in terra totus, & in nullo continetur loco. Per id quod homo & passus & mortuus est, & resurrexit & ascendit in cælum, sedetque ad dexteram Patris, & sic veniet ad iudicandum viuos & mortuos quemadmodum est ire visus in cælum, in eadem forma carnis & substantia, cui profectò immortalitatem dedit, naturam non abstulit. Ergo sessio, id est glorificationis plenitudo aliud est quàm ascensio, circūscriptionem autem carnis nec
d. i.

ascensio tollit nec glorificatio.

*Item Sermo. 140. feria 2. pasche, Ideo
ominus noster absentauit se corpo
re ab omni Ecclesia, & ascendit in cæ
lum vt fides ædificetur. Fidem igitur
non ædificat sed destruit falsum & impiū
dogma de reali carnis Christi omnipre
sentia.*

*Fulgentius lib. 2. ad Trasimundum,
Vnus idēque homo localis ex ho
mine, qui est Deus immensus ex Pa
tre: vnus idēque secūdam substan
tiam humanam absens cælo, quum
esset in terra, & derelinquens terram
quum ascendit in cælum, secundum
Diuinam verò immensamque sub
stantiam nec cælum dimittēs quum
de cælo descendit, nec terram dese
rens quum ad cælum ascendit: quod
ipsius Domini certissimo potest di
gnosci sermone, qui vt localem ostē
deret humanitatem suam, dicit disci
pulis suis, Ascendo ad Patrem meum
& ad Patrem vestrum, Deum meum,
& Deum vestrum. De Lazaro quo
que*

que quum dixisset, Lazarus mortuus est, adiunxit dicens, Et gaudeo propter vos ut credatis, quoniam non eram ibi. Immensitatem verò suæ Diuinitatis ostendit discipulis dicens, Ecce ego vobiscū sum omnibus diebus vsque ad consummationem seculi. Quomodo autem ascendit in cælum nisi quia verus & localis est homo? Aut quomodo adest fidelibus suis, nisi quia immensus & verus est Deus? *Et paulo post.* Istam Christi verā humanitatem (quæ localis est) & veram Diuinitatem (quæ immensa est) Apostolica quoque doctrina cernimus intimari. Nam ut Christi veri hominis corpus localiter cōtineri Paulus Apostolus mōstraret, ait ad Thesalonicensēs, Quo conuersi estis ad Deum à simulachris, seruire Deo vni & vero, & expectare Filium eius de cælis, quem suscitauit à mortuis, Iesum ipsum utique monstrans corporaliter de cælo venturum, quem corporaliter à mortuis nouerat suscita-

tum. Propterea rursus ait, Nostra autem conuersatio in cælis est, vnde etiam Saluatorem expectamus Dominum Iesum Christum, qui reformabit corpus humilitatis nostræ, conforme corpori claritatis suæ, secundum operationem qua potest etiam sibi subiicere omnia. *Et paulo post:* Hanc veritatem corporis Christi de cælo venturi, Ioannes quoque confirmat dicens, Ecce veniet cum nubibus, & videbit eum omnis oculus, & qui eum compunxerunt. In libris quoque Actorum, sic eius corporalis intimatur ascensus, Et quum hæc dixisset, vidētibz illis, eleuatus est. Quum ergo caro Christi, localis absque dubitatione monstraretur, Diuinitas tamen eius vbique semper esse Paulo testante cognoscitur, qui fidelibus dicit, An experimentum quæritis eius, qui in me loquitur Christi? *Hæc illa est scilicet iners glossa, Selneccere, vt tu ridiculè profectò scribis. Imo hæc illa est veritas ipsis inferorum portis nedum homunculis in-*
expu-

expugnabilis, localem fuisse ascensum carnis eius è terra in calum, localem carnis eius absentiam à terra, localem expectari carnis eius aduētum è calis in terras : Cælorum nomine in quos caro eius ascendit, in quibus nunc est, è quibus expectatur, & in quos attollimur, non significari gloriam illam aeternam, (cuius etiam nomine minimè intelligetur realis illa & commētitia Omnipresētia) sed sedes caelestes nobis inenarrabiles in quibus unà cum eo regnabimus in aeternum. Ergo, inquit isti, veram cōmunicationem corporis & sanguinis negatis. Imò, boni viri, veram non negamus, sed vestram sanè quæ falsissima est, abominamur.

Idem lib. 3. ad Trasimun. Idem atque inseparabilis Christus secundum totum hominem quem accepit, terram localiter deferens, ad cælum ascendit & in dextris Dei sedet : secundum eundem totum hominem venturus est ad iudicandum. Num ergo vel ascēsis vel sessio ad dexteram tollit circumscriptionem?

d. iiij.

Damasceni verò hac sententia est lib. 3, cap. 4, de duarum naturarum in Christo personali unione, & mutua Idiomatum communicatione. 1 In Christo Iesu Domino nostro duas naturas agnoscimus, & vnā hypostasim ex vtraque natura cōstantem.

2 Quando naturas respicimus Deitatem & Humanitatem vocamus, quādo verò ipsam hypostasim & personam aut ex vtraque natura simul, Christum nominamus Deum & Hominem secūdum idem, & Deum incarnatum : aut ex altera natura tantū, Deum & Dei Filium, vel Hominem & hominis Filium appellamus.

3 Quoties de naturis aliquid dicimus, ea quæ humanitatis propria sunt, de diuinitate nō dicuntur. Non enim Deitatem aut passibilem aut creatam dicimus. Sicut nec vicissim de carne & humanitate prædicamus ea quæ Deitatis sunt propria. Sic nō dicimus carnem seu humanitatem increatam.

Cate-

4 Cæterum de Hypostasi & persona siue ex vtraque simul, siue ex altera natura tantum, appellata, vtriusque naturæ propria prædicantur. Et quidem quum ab vna natura tantum Filius Dei & Deus vocatur, suscipit sibi vnica carnis naturæ propria, diciturque Dominus passibilis & Dominus gloriæ crucifixus, non vtrique secundum quod Deus est, sed secundum quod homo idem est. Et vicissim, quando dicitur homo & Filius hominis, suscipit Diuinæ naturæ propria & glorificationis, vocaturque Paruulus ante secula, & Homo sine principio, non secundum quod Deus est, qui quum sit ante secula, factus est nouissimis temporibus puer paruulus. Atque hic est modus ἀντὶθέσεως & alternationis seu vicissitudinariæ attributionis, (ἀντιθέσεως) quæ vsitatè dicitur Idiomatum communicatio.

Quid plura? describēdi essent mihi integri libri omnium veterum, qui contrā Eutythianos ex professo scripserunt, ut
d.iiij.

Theodoreti & Vigilij, quos testes quum certissimum sit omni exceptione maiores esse in hoc quidem argumento, quis tandem illos aequo animo ferre possit vel debeat ab istiusmodi hominibus reprehendi? Ommitto conuitia in maximos illos viros Theodoretum & Vigilium à Brentio & Andrea (Deus bone quantis & quibus theologis!) iactata. De uno Selnecero meo accusatore nunc ago. Is verò qua fronte Theodoretum redarguere sit ausus paulò antè ostendi. Nunc audiamus quomodo Vigilium flagellet, quo tamen in hoc quidem argumento, nullum certiore habemus veritatis orthodoxa defensorem. Vigilij, inquit, qui Martyr nominatur (num verò hoc etiam nomē ei eripies Selnecere?) verba hac de re quę pro explanatione loci Actorum 3. adducuntur, (Ergo calumniaberis quum nostram sententiam, Christum cælo capi, ut nouam & inauditam reprehenderes, quum Vigilius cōtrarium dogma in Eutychete ante mille & amplius annos oppugnarit & expugnarit.) sine exceptione non ad-
mitti.

mittimus quæ sic habent. Si Verbi & carnis vna natura est, quomodo qui Verbum ubique sit, non inuenietur ubique & caro? (*Atqui negare non potestis ideo esse ubique præsentem deum totum, quia loco non continetur: & idcirco loco non contineri, quoniam infinita sit essentia. Ergo ab infinitate essentia pendet omnipræsentia. Quis ergo sanæ mentis homo negarit carni tribui essentia infinitatem, ac proinde carnē in Deitatem trāsformari cui attribuatur omnipræsentia, &c. non in natura Verbi in qua subsistit, (hoc enim non negamus) sed reatus & in semetipsa?*) Nam quando in terra fuit, non utique erat in cælo: & nunc quia in cælo est, non est utique in terra. (*Erat enim ipsis quoque plerisque Euty- chianis Brentianum illud ubiquisticum calum ignotum, cuius vos primi architēti fuistis, magna cum totius orbis Christi- ani infamia*) Et in tātum non est, ut secūdum ipsam Christum speremus venturum de cælo. (*atqui certissimum est neminem eò venire ubi iam sit*) quem

secundum Verbum credimus esse in terra. *Hæc sunt quibus sine exceptione nolunt isti assentiri: quasi verò non idem dixerint, clamarint, scripserint veteres omnes & Græci & Latini, quorum testimonia paulò antè ex infinitis nonnulla tantum protulimus. Audiamus tamen quid iste reprehensor proferat:*

Habet idem Vigilus (*inquit*) multa obelisco digna. *Vt hoc demus, cuiusmodi tamè est ita consequutio: Quid si sic colligerè? Multa Selneccerus habet in suo illo in Genesim ingenti volumine, partim falsò affirmata, veluti Animam esse ex traduce, Animæ potentias non esse λογισκόν, θυμικόν, βεσιθυμικόν, & de Prouidentia ac Prædestinatione non pauca: multa item inepta, cuiusmodi sunt molestissima digressiones: multa ridicula, quales sunt pueriles versiculi quos ad nauseam vsque inculcat: an pateretur inde colligi Selneccerū in hoc argumēto de quo nunc agimus toto calo errare? Et tamen hæc omnia certissimè, si sit opus, demonstrabuntur. Quoniam autè ista sunt Vigily errata ne ab ipsis qui-*

quidem centuriatoribus animaduersa?

Quòd, inquit, Christus non sit mediator & aduocatus noster secundum Deitatem, sed tantum secundum nostram naturam interpellat pro nobis Patrem: *Vbi verò hoc comperies apud Vigilium? Nusquam profectò, nusquam inquam, Selneccere, inuenies Christum esse Mediatorem duntaxat secundum humanam naturā. Sed tibi nimirū idē est pars atque totum. Interpellare Christum, Aduocati officio fungi, Sacerdotis ministeriū implere secundum Deitatem negat Vigilius: & rectē negat, si quid dicat rectē spectetur. Etsi enim Mediatoris officium est Personæ, non alterutrius naturæ, tamen distinguenda sunt naturarū proprietates in iis quæ ad Mediatoris officium pertinet exequendis, ita videlicet ut diuina Diuina, seruilia humana naturæ, ac etiam præterea ipsorum seruilium dignitas & vis Diuina naturæ tribuantur: de quibus quā copiosissimè sit à nostris aduersus Stanca-ri deliria disputatum, nolo nunc pluribus differere*

Hanc esse verò Vigilij mentem, ex eiusdem operis lib. 5. discere debuit Selneccerus, in quo mediatorem utriusque naturæ esse oportere, nō minus eleganter quàm verè demonstrat, aut saltem ipsis Centuriatoribus credere, quorū hæc verba sunt Centuria quinta cap. 10. pag. 1311. Idem Vigilius ostendit ideo ipsum oportuisse Deum & hominem esse ut Mediatoris officio fungi posset lib. 5. contra Eutychen. Hæc si nesciebas Selneccere, quis hanc negligentiam excusabit in accusatore? Si sciebas, quid tandem isti calumnia prætexes? Quod si in Mediatoris munere non nosti diuina Deitati, humana humanitati distinctè tribuere, quod est istud dedecus, censeri Magistrum, imò etiam Censorem in Israel qui hæc ignoret?

Audiamus alterum Vigilij erratum: Quòd dicat appellationem Iesu Christi non ad Deum sed ad hominem pertinere, cui delirio ipse quoque Theodoretus contradicit. Respondeat pro Vigilio Augustinus, lib. de Trinit. Dei 17. cap. 16. Quis tam rudis est in hac reli-

religio
mate,
pellat
norum
illi sit
Vnxit
tation
pertin
nome
diæ su
ptum
non est
deat ia
rū cita
dum e
quum
si qua
in for
bicrat
detur
stus Ie
huma
& per
nies ap
uinora

religione ut Christum nesciat à chrismate, hoc est ab unctione dubitet appellatum? *Idem contra sermonem Ariannorum, cap. 8.* Christi nomē quū ex eo illi sit quòd scriptū sit in prophetia, Vnixit te Deus, Deus tuus, oleo exultationis, ad id quòd homo factus est pertinet. *Idem epist. 175.* Iesu Christi nomen ex dispensatione misericordiae susceptæque humanitatis assumptum est. Ergo, inquires, Iesus Christus non est Dei & hominis nomen? Respondeat idē August. loco ex sermone Ariannū citato. Qui erat in forma Dei nondum erat Christus; quod esse cœpit quum semetipsum exinaniuit. Verū si quæramus, Quis est ille qui quum in forma Dei esset, non rapinam arbitratus est esse æqualē Deo? respondetur nobis voce Apostolica, Christus Iesus. Ergo & illa Diuinitas huius humanitatis vocem accepit. *Eadem & pene totidem verbis descripta inuenies apud Theodoretum in Epitome Diuinorum decretorum, cap. de Seruatoris*

dispensatione. Nec aliter intelligendus est eiusdem locus ex dialogo 2. quem tu fædè in contrariam sententiam deprauas.

Tertium erratum Vigily iste numerat, Quòd humanam naturā assumptam & glorificatam certo loco cæli alliget. Imo verò Selneccere, magis ac magis calumnia spiritum produs. Vbi enim peculiarem aliquem cæli locum inuenies à Vigilio vel quoquam nostrum Christo statui? Vbi cõperies verba ista Alligari, Includi, Deuinciri, Captiuum teneri, & cat. istiusmodi non minus ineptè & ridiculè quàm falso nobis attributa? Et tamen hi sunt tribunitij vestri clamores, hi vestri latratuſ, de quibus Dominus inter vos & nos certè iudicabit. Hoc quidem cum Verbo Dei & tota erudita vetustate dicimus, Christi carnem nunc in calis esse quos conscendit, ibique quocunque cæli loco versari illi libuerit, (nec enim hæc arcana scrutari nostrum est) eo spatio capi siue cõtineri quod sit vero ipsius corpori quantumuis glorificato conueniens, indèque omnia gubernare: & quoniam in calis sit, nunc non esse

ſe in terris, ſicut non erat in calis, quum eſſet in terris. Sic ſenſiſſe, docuiſſe, ſcripſiſſe omnes ab Euangelio promulgato fideles, doctores, & veſtrum ubiquitariū calum ignoraffe, veſtrāque carnis realem omnipreſentiam ex profeſſo damnaſſe prolatis teſtimoniis certis, euidentibus, perſpicuis demonſtrauiſſimus. Vis tamen fortassis aliquid amplius? audi Iuſtinum Apologetico ſecundo ex totius orthodoxæ Eccleſiæ ſententia ſic loquētem, ne hoc forte inter ipſius nauos reponas, quod ne ipſi quidem Centuriatores fecerunt, malè alioqui carpentes ipſius locum & ſiſyphias.

Quòd autem, inquit, Chriſtum à mortuis excitatum Deus omnium Pater eſſet in cælum adducturus & detenturus, donec dæmonas ipſius hoſtes percufflerit: audite verba iſta, Prophetæ Dauidis, Dixit Dominus Domino meo, Sede à dextris meis. Audis verbum κατέχευ muchto etiam durius quam ſit Capi vel Contineri? Audis ſeſſione ad dexteram Patris non impediri iſtam detentionem in calis? Audis

Cælorum nomine, non ipsam gloriam, sed gloria sedem significari? Vis etiam ut plenius patefaciã falsum esse quod dixisti, & videlicet per istud dictum Christi carnẽ nũc cælo capi, & per ascensionẽ in calos significetur loci mutatio, non autem euectio ad dextram Patris, hætenus vestris ecclesiis incognitum fuisse? Sic certè scribit disertis verbis Philippus in epistolam ad Colossenses : In Symbolo intelligatur dictum ut sonat litera, & de corpore, & de corporali locatione. Ascendit scilicet CORPORALI ET PHYSICA LOCATIONE IN CAELVM. id est in locum cælestem, vbicunque est, quia nõ sunt hĩc fingendę allegorix. Ascensio fuit visibilis & corporalis. & ita semper scripsit tota antiquitas, Christum CORPORALI LOCATIONE in aliquo loco (nempe cælesti) esse vbicunque vult, & ascensio corporalis facta est sursum &c. Et mox, Sicut de locali ascensione naturæ humanæ dictum est, Ascendit in cælos : ita de exaltatione naturæ humanæ

humanæ supra omnes creaturas, (*At non de omnipræsentia siue infinitate quæ physicam locationem & verum corporis modum euertit* (dictū est) Sede ad dexteram Patris. *Hæc ille quæ si vera sunt, uti sanè sunt, quid in vos apertius dici potuit, qui ascensionem cum sessione, qui calos cum Dei dextera confunditis: & quibus hæreticus est qui Christum secundum carnem ait calo capi, id est, physica locatione in calis collocatum: Vbi verò hæc sensit, docuit, scripsit Philippus? An non in vestris scholis? Num tunc vel mutire Brentius, vel Iacobus Andreas discursare serenda suæ ubiquitatis causa ausus est? Vbi tum zelus iste tuus Selneccere? Imo etiam audiamus quid tum senserit & scripserit ille ipse qui nunc istorum incendiorum facem præfert Heshusius. Sic enim habet ad verbum pagina libri sui in Calvinū 30. cui duobus dialogis respondi: Libèter accipimus Christū physica locatione visibiliter suū corpus sursum sustulisse & in cælesti*
L O C O C O L L O C A S S E. Et

pag. 82. Necesse est (*audite Brentia
ni Ubiquistæ*) fateri corpus Christi in
cælo certo spatio concludi. *Audis mi
homo? audis Heshusi quid olim scripse-
ris? Si necesse est fateri Christi carnis
physicam locationem, adeoque certamin
cælo, certo loco conclusionem, (quod ver-
bum multò illis quæ usurpamus durius
est) quo pudore ut falsam & impiam
hanc interpretationē criminamini, Chri-
stum cælo capi? Quoniam, inquit Hes-
husius, simul dixi fatendum etiam esse
Christi carnem verè & substantialiter
adessè in Cæna, quod vos negatis. Ne-
gamus sanè eo quidem sensu quo tu hæc
scripsisti. Sed quid tum? Manet tamen
illud ex Heshusi dictis, tantum abesse
ut falsum aut impium sit dicere Chri-
stum cælo capi, atque adeò certo spatio in
cælo concludi, ut contra habendus sit im-
pius qui hoc negat, nec satis sanus qui a-
scensionem cum sessione, & cælum cum
gloria cælesti confundat. Itaque non mea
interpretatio, sed tantum mala ex eo Pe-
tri dicto collectio argui & probari à meis
accusatori-*

accusatoribus debuit. Sed age progrediamur etiam paulò amplius. Tu ipse Selneccere, in illis propositionibus isthic edisis quæ nomen tuum quoque præferunt ita scripsisti, propositione xxx. Valde dolemus veterum errorum semina audacter à multis etiam nunc spargi, & iudicamus ab vniuersæ Antiquitatis piæ & eruditæ consensu, si non rebus & sententiis, certè formis verborum & phraseon recèns confictis, discrepare eos qui vnionem personalem definiunt quandam totius energiæ Diuinæ in naturam humanam effusionem, qua realiter Diuinitas suas proprietates humanæ naturæ communicauerit: aut qui humanitati, quod est personæ, tribuentes peculiariter Diuinam naturam assumptæ realiter communicare dicunt, personam, maiestatem, & actiones: aut qui prodigiosis verborum commentis innumeras idiomatum distinctiones fingunt. Denique quòd miscent aliqui
e.ij.

dona & ornamenta excellentia humanæ naturæ glorificatæ in Christo, cum proprietatibus Diuinæ essentia. *Et propositione 31.* Solius diuinæ naturæ propria sunt, esse omnipotentem, æternum, infinitum (*ergo & omnipresentem esse ut istud verbi potentum usurpemus*) omniscium, omnipotentem : humanæ naturæ propria sunt cœpisse in tempore, finitum, circumscriptum esse (*ergo pluribus locis simul non esse.*) Hæc quum sint essentielles proprietates naturæ humanæ, nunquam abiiciuntur. Sed alia sunt in natura humana quam λόγος assumpsit, quæ corpori nōdum glorificato rectè tribuuntur, ut esurire, sitire, lacerari, mori &c. hæc quæ fuerunt infirmitatis humanæ, desierunt post glorificationem. Nec tamen propterea amissa est humana natura, nec secundum se infinita vel omnipotens facta est, nec diuinæ naturæ idiomata in eam transfusa sunt. *Et propositione 33.* Cōmunicatio idiomatum

matum neutiquam est physica, aut
trāsfusio proprietatum essentialium
in alterutram naturam, vt nunc ali-
qui communicationem idiomatum
realem seu physicam comminisci
non sunt veriti, sed est forma loquen-
di qua proprietates aut operatio vni
naturæ conueniens tribuitur perso-
næ certa lege ac modo, scilicet in con-
creto quod totum agens significat
habens vtrunque naturam, non au-
tem in abstracto quo alterutra natu-
ra secundum se significata cōsidera-
tur. *Hæc tu non ita pridem Selneccere:*
quæ si adhuc sentis, quānam hoc tuum
ultimum scriptum cum illis, id est, te-
ipsum tecum conciliabis? Nam si infini-
tum ac proinde pluribus siue omnibus si-
mul locus esse, idioma est diuinæ naturæ
quod realiter nunquam communicetur,
quomodo verum est quod tu nouus ho-
mo factus nunc scribis, De corporali lo-
catione, noua (inquis) & periculosa
voce, nullum in sacris Literis testimo-
nium extare? Et si glorificatio ademit
e. iij.

carni solas infirmitates, quas tu ipse à
 proprietate essentiali circumscriptionis
 distinguis, quid relinquitur nisi falli ve-
 hementer qui sessione ad dextram vo-
 lunt omnipresenciam ipsi carni commu-
 nicatam, & Christum calo capi negant?
 Quid igitur tibi prodest latibulum illud
 donorum ὑπερσυστοιχῶν, cui tu ipse nullum
 in illis propositionibus locum relinquis?
 Cedo verò, in quos hæc scripta esse di-
 ces, si non in Brentianas illas blasphe-
 mias? Quod si ita est, unde ista tam
 subita mutatio, ut isti doctrina renun-
 cians quam fassus es verbo Dei, ipsa veri-
 tate, omnium orthodoxorum scripto-
 rum perpetuo consensu niti, dicere au-
 deas nullum esse carnis circumscriptioni,
 in doctrina potentie & maiestatis Filij
 Dei locum? Imo Selneccere, nullus est in
 Ecclesia cothurno Theramenus locus. Et
 quum ista duo vis conciliare, quòd vi-
 delicet corpus retineat suam πρὸς ἑαυτὸν
 & tamen sit ἀπρὸς ἅπαντας omnipra-
 sens, nihil aliud agis, vel teipso teste,
 quàm quod contradicentia inter se con-
 ciliare

ciliare studes. Praponderat, fateor, cunctis rebus Dei verbum, sed in quo tandem Dei verbo carnem Christi reipsa simul nobis adesse & abesse, id est, simul finitam & infinitam esse comperies.

Si Cæna institutioni hoc tribuis, quorsum refugis ad glorificationem quæ postea consecuta est? Imo audi quid dicat Schemius Brentij ὑπερασπής. De glorioso corpore Christi, inquit, non potest ἀπλῶς dici quod sit in Cæna, quum τὸ πρῶτον prædicati ei non conveniat. Nam gloriosum neque traditum est, neque tradetur.

Ergo, inquires, tollis Christi præsentiam in Cæna. Hoc enim est vulcus quod pungi non pateris. Respondeo, si præsentia nomine situm corporis intelligis, ut iis locis sistatur corpus, ubi Cæna peragitur, negari sane illam à nobis: utpote quæ (præterquam quod ad spiritualem communicationis modum nihil prorsus facit, imo & fidei obstaculo est, ut ipse Christus discipulis testatur,) veritati corporis, & Verbo Dei, & totius piæ vetustatis,
e.iiij.

tuoque adeo ipsius testimonio paulò antè descripto, penitus & ex diametro repugnet. Sin verò presentiam ad Fidei conspectum, ipsiusque adeo rei per Fidem apprehensa verissimam, quia & efficacissimam, sed tamen spirituales perceptionem refert, sanè & nos in Cæna Christi carnem presentissimam statuimus non ut ex duabus substantiis una quæpiam concreseat, sed ut mysticum inde corpus exurgat, una Spiritus Christi vi & efficacia vivificatum.

Requiris etiam aliquid amplius? Sicut Filius hominis loquens in terris cum Nicodemo, erat in cælo, ita etiam nunc, quando in cælo (ut loquitur Iustinus) ἡμετέριον, est tamen ubique in terris, nedum ut à Cæna absit: sed non nisi secundum unitatem personæ, siue quatenus caro assumpta (quæ nunc in cælis est, & non alibi) est tamen unum ὁμοῦ μετὰ τὸν cum Verbo in quo subsistit: id est, communicatione idiomatum, quam tu ipse rectè scripsisti realem non esse naturalium in sese, siue in abstracto consideratum,

ratarum, respectu. Denique admittite vos illud κατ' ἄλλο, & stabilita veritate, pax erit Ecclesiis restituta.

Postremum Vigilij erratum recenset, Quod formam seruilem dicat in cælum translata, quod tamen negas. Respondeat Augustinus. contra Maximum eodem prorsus argumento, quauis in alium finem, utentem, disputans lib. 3. cap. 16. Forma serui, inquit, leuata est in cælum: in ipsa sedet ad dextram Dei Patris, in ipsa venturus est ad iudicium. At enim, inquires, non ut seruilis forma translata est in cælum. Respondeat idem Augustinus eodem loco: Formam serui resurrectio non consumpsit, sed in melius commutauit. Ergo ut sit meliore conditione, tamen etiam si ut ipse scripsisti, infirmitatem non naturam ei ademerit gloria, serui forma sit quoque seruilis necesse est, respectu naturæ semper dominantis. Sed hoc pati non possunt qui cum Eutychete sentiunt, per sessionem ad dextram Patris formam serui exaquatam for

*ma Dei: quod ut falsum meritò damna-
uit sancta Synodus, scribentibus disertè
Patribus, Christum glorificatum, cui una
gloria & adoratio debetur quoniā unus
est, seipso minorem esse secundū serui for-
mam siue humanitatem, sicut seipso ma-
ior est secundum Dei formam, id est, Dei-
tatem, ut disertè docet Augustinus lib. de
Trinit. i. cap. 7. & ii. Nec tamen propter
ea in duas personas Christus diuiditur,
sed naturarū perpetua distinctio seruatur.
Vides ergo tandem Selneccere te rursus
optimum scriptorem immeritò accusare?
sed illud te fefellit quod Brentianos se-
quutus, per formam Dei neque ipsam
Deitatem verbi, neque itidem gratiam
unionis, sicut omnes veteres tum Græci
tum Latini, sed gratiam (ut loquuntur
Scholastici) habitualement intellexisti, quæ
aliquandiu delitescens, tandem ad For-
mam Dei, id est, Deo conuenientem, sit e-
uecta, de quo commento plenius alibi est à
nobis disputatum.*

*En igitur quàm iustis de causis Selneccer-
us & Ienenses Theologi in me tanquā
falsum*

falsum
petu
illud
male
recte
illoru
fidei
Sata
desia
te

falsum & impium interpretem tanto impetu insurrexerint, qui utinā præclarum illud Irenæi dictum observassent: Multa malè interpretari coguntur qui vnum rectè intelligere nolunt. Dominus & illorum & mei misertus, faxit ut in vera fidei ὁμοιοπρωίᾳ alijs alijs occurramus, Satanam & ipsius flabella comprimant, Ecclesiam suam denique ab omnibus & intestinis & exteris hostibus seruet.

Genevæ 21. Augusti. Anno ultimi sæculi.

1571.

EXcuso hoc libello perlata est ad me quædam ad Ecclesiam Vvitl ergensem Selnecceri epistola in qua locum Nāzianzeni, καὶ ὑπ' οὗρον ὁ δεχθῆναι, sic eludit quòd illa dicat Nazianzenus μὴ μνησκῶς in persona aduersariorum, ideòque adiciat, ὅς τοι μὲν εἰς ἐξήγρηται σὺ. Ego verò fateor quidem recitari à Nanzianzeno obiectionem aduersariorum, sed quæ est ista consecutio? Recitat Nanzianzenus testimonium Scripturæ quo abutebantur Ariani, ergo non approbantur verba quibus locus ille ab Arianis citabatur. Quasi verò si, ut interdum fecerunt hæretici, locum istum corrupissent Ariani, hoc dissimulaturus fuerit Theologus. Quid ergo dices, reprehendit in illa Arianorum obiectione: nempe quòd falsò inde colligebāt cessaturum Christi regnum, ex illa particula ὅχι malè exposita, sicut ex response patet: in qua de verbis Petri malè citatis aut corruptis nullū verbum, sed de falsitate & absurditate argumenti differtur. Vanū est ergo istud perfugium, sicut
ijs

accidat necesse est qui potius quā Veritati etiam manifesta cedāt, & errorē agnoscāt, ad quæuis etiā absurdissima deueniūt. Sic isti fatentur quidē Christi interdum, corpus esse finitum & circumscriptū, & localiter ascendisse in celos, sed nolunt fateri calu capi, siue contineri, spacio videlicet naturali corpori cōueniente, ut si faterer quidē quæmpiā esse in loco sed negarē loco cōtineri. Miror autē quid sint iustino Martyri responsuri, cuius locū Latinè versum antea citavi, nunc verò ipsa Græca verba placuit subiicere quæ sic habet: ἐπὶ δὲ ἀναγνῶν τὸ χριστὸν εἰς τὸν θρόνον πατρὸς μετὰ τὸ ἀναστῆσαι αὐτὸν νεκρῶν αὐτὸν ἐμελλε, καὶ κατε-
 XEIN ἕως ἂν παταξήτε εἰς χθρᾶν· ντας αὐτῷ & c. ἐπαχέσατε τὸ εἰρημὸν διὰ Δαβὶδ τῷ πατρὶ, εἰπεν ὁ κύριος τῷ κυρίῳ μῶ, & c. En Christū ait sedentē ad dexterā nō tantū capi sed etiā detineri celo vsque ad diē illū ultimū. Mirum ergo ni hereticū etiā Iustinum faciant, aut hunc quoq; neuum in ipso inueniāt, à Cēturiatoribus nōdum animaduersum. Sed ab heresi Iustinū & Angelorum & Petri testimoniū perspicuū satis apud sanos homines vindicabit.